



Broj: 12-11-5643-1 /23
Bihać, 25.05.2023.godine.

U skladu sa Odlukom Vlade Unsko-sanskog kantona o uslovima, načinu, postupku i kriterijima za dodjelu sredstava za finansiranje kantonalnih udruženja branilaca („Službeni glasnik Unsko-sanskog kantona“ broj: 30/22), ministar Ministarstva za pitanje boraca i ratnih vojnih invalida, r a s p i s u j e:

JAVNI POZIV

Za dodjelu sredstava za finansiranje redovne registrirane djelatnosti i sredstva podrške za projekte i aktivnosti kantonalnih boračkih organizacija/ udruženja/ saveza

I

Predmet Javnog poziva je dodjela sredstava iz Budžeta Unsko-sanskog kantona za 2023. godinu, za finansiranje redovne registrirane djelatnosti i sredstva podrške za projekte i aktivnosti kantonalnih boračkih organizacija/ udruženja/ saveza.

II

1. Pravo učestvovanja na Javnom pozivu imaju kantonalne boračke organizacije/ udruženja/savezi (u daljem tekstu: Udruženje), koje doprinose poboljšanju statusa kategorije branilaca i očuvanju tekovina odbrambeno-oslobodilačkog rata 1992-1995 i tekovina narodno-oslobodilačkog rata 1941-1945 iz oblasti boračko-invalidske zaštite i koje je upisano u registar udruženja koja vodi kantonalni organ uprave u skladu sa Zakonom o udruženjima i fondacijama („Službene novine Federacije BiH“, broj: 45/02), s tim da u svom sastavu ima najmanje pet općinskih udruženja, odnosno po jedno udruženje u pet općina Unsko-sanskog kantona, osim udruženja ratnih vojnih invalida-paraplegičara koje ovo pravo može ostvariti bez obzira na broj članova.

2. Pravo učestvovanja na Javnom pozivu ima i Udruženje koje su osnovala lica iz člana 1. stav (2) Zakona o dopunskim pravima branilaca i članova njihovih porodica („Službeni glasnik Unsko-sanskog kantona“ broj: 31/20), sa prebivalištem van Unsko-sanskog kantona u općinama: Banja Luka, Prnjavor, Laktaši, Prijedor, Srbac, Bosanski Novi, Bosanska Dubica, Bosanska Gradiška i Bosanska Kostajnica, čiji je projekat kandidiran za finansiranje iz Budžeta Unsko-sanskog kantona, a realiziraju se u cjelosti ili djelimično na području Unsko-sanskog kantona ili na području pobrojanih općina van Unsko-sanskog kantona.

III

Sredstva za finansiranje redovne registrirane djelatnosti, projekata i aktivnosti Udruženja obezbijedit će se u Budžetu Unsko-sanskog kantona za 2023.godinu ekonomski kod 614300, subanalitika GAN015, na razdjelu 16 pozicija - Grant za sva boračka udruženja.

IV

1. Pod pojmom finansiranje redovne registrirane djelatnosti podrazumjeva se finansiranje najma kancelarije, raznih troškova i to: struje, vode, smeća, telefona i interneta, kancelarijskog materijala, nabavke sredstava za čišćenje kancelarija i nus prostorija, održavanja kancelarija, održavanja službenog vozila, plata stalno zaposlenih, finansiranja ugovorenih usluga (knjigovodstvene usluge i naknade iz ugovora o djelu).

2. Pod pojmom podrške za projekte koji se odnose na očuvanju tekovina odbrambeno-oslobodilačkog rata 1992-1995 i tekovina narodno-oslobodilačkog rata 1941-1945., a u skladu sa djelatnostima Udruženja, podrazumijeva se obilježavanje godišnjica, provođenje aktivnosti u cilju njegovanja kulture sjećanja na događaje i ličnosti iz perioda odbrambeno oslobodilačkog rata, prikupljanje arhivske građe, izložbe ratnih fotografija i eksponata, video zapisa i sve druge slične projekte koje doprinose očuvanje i promociju vrijednosti odbrambeno-oslobodilačkog rata.

3. Pod pojmom podrške za aktivnosti, a u skladu sa djelatnostima Udruženja, koje doprinose poboljšanju statusa kategorije branioca podrazumijeva se nabavka namirnica, higijenski paketa, publikacija, najam prostora za aktivnosti, štampani materijala, organiziranje okruglih stolova, edukacija, honorari za trenere, terapeute i sl, nabavka udžbenika za osnovno i srednje obrazovanje djece socijalno ugroženim članovima udruženja, pomoć u liječenju teško oboljelih članova uz odgovarajuću liječničku dokumentaciju, pomoć socijalno ugroženim članovima uz odgovarajuću dokumentaciju i sve druge slične aktivnosti.

V

1. Udruženju za finansiranje redovne registrirane djelatnosti mogu se odobriti finansijska sredstva iz Budžeta Unsko-sanskog kantona i to za:

- a) troškove plata stalno zaposlenih;
- b) troškove naknada iz Ugovora o djelu;
- c) knjigovodstvene usluge;
- d) troškove reprezentacije;
- e) najam kancelarije;
- f) troškove struje, vode, odvoza smeća do iznosa ispostavljenih mjesečnih računa (priznaju se samo računi koji glase na ime i sjedište udruženja, odnosno za mjesece za koje nije ispostavljen račun u obzir će se uzeti pisana procjena troškova udruženja za te mjesece);
- g) troškove telefona, mobitela i interneta (priznaju se samo računi koji glase na ime i sjedište organizacije odnosno za mjesece za koje nije ispostavljen račun u obzir će se uzeti pisana procjena troškova udruženja za te mjesece);
- h) troškove kancelarijskog materijala;
- i) troškove nabavke sredstava za čišćenje kancelarije i nusprostorija;
- j) troškove održavanja kancelarija;
- k) troškove goriva, registracije i održavanje službenog vozila (vozilo u vlasništvu Udruženja ili vozilo koje je dodijeljeno Udruženju na korištenje od organa državne vlasti);
- l) troškove službenih putovanja van Unsko-sanskog kantona.

2. Udruženju se mogu dodijeliti sredstva podrške za projekte koji se odnose na očuvanje tekovina odbrambeno-oslobodilačkog rata 1992-1995 i tekovina narodno-oslobodilačkog rata 1941-1945 iz Budžeta Unsko-sanskog kantona.

3. Udruženju se mogu dodijeliti sredstva podrške za aktivnosti koje doprinose poboljšanju statusa kategorije branioca iz Budžeta Unsko-sanskog kantona.

VI

1. Sredstva planirana Budžetom Unsko-sanskog kantona dodjeljuju se Udruženju čija su redovna registrirana djelatnost, projekti i aktivnosti utvrđeni u statutima udruženja, a odnose na:

- poboljšanje statusa kategorije branioca,
- očuvanju tekovina odbrambeno-oslobodilačkog rata 1992-1995 i tekovina narodno-oslobodilačkog rata 1941-1945
- promociju i zaštitu naše baštine kroz istorijski i kulturni život boračkih kategorija,
- poboljšanje socijalnog statusa boračke populacije, resocijalizaciju specifičnih kategorija boračke populacije (RVI, djeca bez roditelja i sl.),
- pružanje pravne pomoći boračkoj populaciji,
- pomoć socijalno ugroženim kategorijama boračke populacije putem interesnih članica Udruženja,
- pomoć u liječenju teško oboljelim kategorijama boračke,
- i druge projekte i aktivnosti koje Komisija ocijeni da su značajni za boračke kategorije.

2. Izuzetno iz tačke 1. ovog člana programi i aktivnosti koji nisu utvrđeni statutom udruženja, a koje Komisija ocijeni da bi dodjelom sredstava za realizacije predloženih projekata i aktivnosti značajno doprinijelo očuvanju tekovina odbrambeno-oslobodilačkog rata 1992-1995 i tekovina narodno-oslobodilačkog rata 1941-1945, kako i poboljšanju statusa boračkih kategorija, može predložiti ministru Ministarstva za pitanje boraca i ratnih vojnih invalida Unsko-sanskog kantona (u daljem tekstu: Ministarstvo) dodjelu sredstava za taj projekat ili aktivnost.

VII

Kriteriji za dodjelu sredstava za finansiranje redovne registrirane djelatnosti i sredstva podrške za projekte i aktivnosti Udruženju iz Budžeta Unsko-sanskog kantona:

- a) da je registrovano na području Unsko-sanskog kantona;
- b) da je Izvještaj o radu i finansijski izvještaj za prethodnu godinu usvojen od strane Skupštine Udruženja;
- c) da je Program rada i finansijski plan za tekuću godinu u kojoj se aplicira za dodjelu sredstava usvojen od strane Skupštine Udruženja;
- d) da u svom sastavu ima najmanje pet općinskih udruženja, odnosno po jedno udruženje u pet općina Unsko – sanskog kantona, osim udruženja ratnih vojnih invalida-paraplegičara koji pravo ostvaruju bez obzira na broj članova;
- e) da je u propisanom roku dostavilo izvještaj o utrošku dodijeljenih finansijskih sredstava od Ministarstva za posljednju godinu za koju su im ista dodijeljena.

VIII

Neće se uzeti u razmatranje zahtjevi Udruženja niti će biti dodijeljena sredstva Udruženju u slijedećim slučajevima:

- a) koja su dobila finansijska sredstva, a nisu ispunili obaveze podnošenja izvještaja o utrošku sredstava ili su podnijeli izvještaj, ali ga Komisija za kontrolu namjenskog utroška sredstava nije prihvatila;
- b) ako Skupština Udruženja nije usvojila program rada ili finansijski izvještaj za tekuću godinu;

- c) ako Udruženje nema u svom sastavu najmanje pet općinskih udruženja, odnosno po jedno udruženje u pet općina Unsko – sanskog kantona, osim udruženja ratnih vojnih invalida-paraplegičara koje ovo pravo ostvaruje bez obzira na broj članova;
- d) ako nedostaju formalni uslovi za odlučivanje po zahtjevu (netačna, neuredna dokumentacija ili nepotpuna dokumentacija, dokumentacija nije dostavljena u originalu ili ovjerena fotokopija);
- e) ako je neblagovremeno dostavljen zahtjev;
- f) ako se projekti baziraju na investicionim ulaganjima, održavanje, adaptaciju ili izgradnji kapitalnih objekata ili kupovini opreme;
- g) ako su projekti i aktivnosti usmjereni prema finansiranju aktivnosti političkih stranaka;
- h) ako su projekti i aktivnosti usmjereni za isključivu dobit pojedinaca.

IX

Zahtjev za dodjelu sredstava po raspisanom Javnom pozivu Udruženje podnosi na posebnom obrascu kojeg propisuje Ministarstvo.

X

1. Uz zahtjev je obavezno priložiti:

1. Rješenje o registraciji Udruženja;
2. Identifikacioni broj iz registra poslovnih subjekata;
3. Potvrdu o broj žiro-računa poslovne banke udruženja;
4. Kratak opis Udruženja i njenih članova uz priložena rješenja o registraciji najmanje pet općinskih udruženja, odnosno po jedno udruženje u pet općina Unsko – sanskog kantona, osim udruženja ratnih vojnih invalida-paraplegičara koji dostavlja popis članova;
5. Statut Udruženja;
6. Izvještaj o radu usvojen od strane skupštine Udruženja za prethodnu godinu sa potpisanim i ovjerenim odlukama o usvajanju;
7. Finansijski izvještaj usvojen od strane skupštine Udruženja za prethodnu godinu sa potpisanim i ovjerenim odlukama o usvajanju;
8. Program rada za tekuću godinu, usvojen od strane Skupštine Udruženja sa potpisanim i ovjerenim odlukama o usvajanju;
9. Finansijski plan za tekuću godinu, usvojen od strane Skupštine Udruženja sa potpisanim i ovjerenim odlukama o usvajanju;
10. Zapisnik sa posljednje održane sjednice Skupštine Udruženja sa navedenim članovima koji su prisustvovali sjednici;
11. Potpisani ugovori za stalno zaposlene (priložiti u slučaju da Udruženje ima stalno zaposlene, dokaz o isplaćenju posljednoj neto plati i dokaz o visini doprinosa);
12. Potpisani ugovori od djelu (priložiti u slučaju da Udruženje ima osobe angažovane po ugovoru o djelu, dokaz o isplaćenju posljednoj neto plati i dokaz o visini doprinosa);
13. Dokaz o visini plate za stalno zaposlene i visini naknade za osobe angažovane po ugovoru o djelu sa odlukama Skupštine ili drugog tijela Udruženja (priložiti u slučaju da Udruženje ima stalno zaposlene ili osobe angažovane po ugovoru o djelu);
14. Obrazloženje projekta koji se odnosi na očuvanju tekovina odbrambeno-oslobodilačkog rata 1992-1995 i tekovina narodno-oslobodilačkog rata 1941-1945 (cilj i plan realizacije projekta, trajanje projekta, broj lica koji učestvuju u realizaciji projekta tj. broju korisnika koji su obuhvaćeni projektom,);

15. Obrazloženje aktivnosti koje doprinose poboljšanju statusa kategorije branioca (cilj i plan aktivnosti, broj korisnika koji su obuhvaćeni aktivnostima, specifičnosti potreba članova udruženja za takvom aktivnošću, ekonomska i društvena opravdanost aktivnosti druge aktivnosti);

16. Druga dokumentacija kojom se dokazuje postojanje stvarnih troškova za koja Udruženje aplicira za dodjelu budžetskih sredstava (računi za struju, vodu, odvoz smeća, telefona, mobitela, interneta, i svi drugi troškovi koji su nastali u toku rada Udruženja, a za koje se mogu dodjeliti sredstva u skladu sa članom 5.stav (1) Odluke (priložiti samo u slučaju da Udruženje ima navedene troškove).

2. Tražena dokumentacija predaje se u originalu ili kao ovjerena fotokopija.

XI

Otvaranje, ocjena i rangiranje zahtjeva po Javnom pozivu izvršit će Komisija Ministarstva u skladu sa Odlukom o uslovima, načinu, postupku i kriterijima za dodjelu sredstava za finansiranje kantonalnih udruženja branioca.

XII

Zahtjev se podnosi Ministarstvu u zapečaćenoj koverti, a predaje se putem pošte preporučeno ili na pisarnici Vlade Unsko-sanskog kantona uz naznaku „Za javni poziv za finansiranje kantonalnih udruženja branioca – ne otvaraj“, u trajanju od 15 dana od dana objavljivanja na web stranici Ministarstva.

XIII

Sredstva se dodjeljuju u skladu sa važećim Zakonom o izvršavanju Budžeta Unsko-sanskog kantona, kao i broju odobrenih programa/projekata.

XIV

Ministarstvo će na osnovu Odluke Vlade Unsko-sanskog kantona o raspodjeli sredstava za boračka udruženja za 2023.godinu, zaključiti ugovor sa Udruženjima kojim se utvrđuju međusobna prava i obaveze.



MINISTAR

Esad Bašagić, dipl.oec.